

Bosna i Hercegovina
Federacija Bosne i Hercegovine
Tuzlanski kanton
Ministarstvo prostornog uređenja i zaštite okolice

Na osnovu člana 29. Zakona o izvršenju budžeta Tuzlanskog kantona za 2011. godinu („Službene novine Tuzlanskog kantona“ broj: 4/11) i Programa raspodjele namjenskih sredstava Ministarstva prostornog uređenja i zaštite okolice za 2011. godinu, a u skladu sa Odlukom o utvrđivanju uslova, kriterija i postupka za raspodjelu namjenskih sredstava iz ekoloških naknada, Ministarstvo prostornog uređenja i zaštite okolice raspisuje:

JAVNI POZIV

Javnim ustanovama iz oblasti obrazovanja i ostalim javnim ustanovama za kandidovanje projekata iz oblasti zaštite okolice radi dodjele sredstava

1. Pravo učešća na javnom pozivu:

Pravo učešća na javnom pozivu imaju javne ustanove iz oblasti obrazovanja koje su upisane u Registar osnovnih ili srednjih škola kod Ministarstva obrazovanja, nauke, kulture i sporta Tuzlanskog kantona. Pravo učešća na javnom pozivu imaju i ostale javne ustanove koje su registrirane u skladu sa zakonom u Tuzlanskom kantonu.

2. Javnim ustanovama iz oblasti obrazovanja i ostalim javnim ustanovama se raspodjeljuju sredstva za projekte iz oblasti zaštite okolice koji se odnose na sljedeće:

1. smanjenje zagađenja zraka (uvođenje ili rekonstrukcija centralnog grijanja),
2. akcije čišćenja, uređenja, pošumljavanja i ozelenjavanja dvorišta, parkova i sl. i
3. poboljšanje energetske efikasnosti.

3. Javne ustanove iz oblasti obrazovanja i ostale javne ustanove dužni su dostaviti slijedeću dokumentaciju kojom dokazuju ispunjavanje uslova:

1. rješenje o upisu u Registar osnovnih ili srednjih škola kod Ministarstva obrazovanja, nauke, kulture i sporta Tuzlanskog kantona (za javne ustanove iz oblasti obrazovanja),
2. rješenje o registraciji iz sudskog registra (za ostale javne ustanove)
3. uvjerenje o poreznoj registraciji,
4. spesimen potpisa za javne ustanove – obrazac iz Ministarstva finansija (za javne ustanove iz oblasti obrazovanja),
5. spesimen potpisa iz banke osoba odgovornih za finansije (za ostale javne ustanove),
6. izvještaj o realizaciji i utrošku sredstava dobijenih od ovog Ministarstva u prethodnoj godini, ukoliko ista nisu ranije u potpunosti opravdana,
7. projekat (ovjeren i potpisan od strane podnosioca) na posebnom obrascu.

Dokumenti se prilažu u originalu ili ovjerenoj kopiji koja ne može biti starija od 6 mjeseci računajući od dana objavljivanja javnog poziva.

4. Projekti javnih ustanova iz oblasti obrazovanja i ostalih javnih ustanova koji će se uzeti u razmatranje se dostavljaju na posebnom obrascu i treba da sadrže:

1. naziv i opis projekta,
2. oblast zaštite okolice na koju se odnosi projekat iz tačke 2. javnog poziva
3. ciljeve projekta,
4. vrste aktivnosti koje će se provesti da bi se postigli postavljeni ciljevi,
5. očekivani rezultati,
6. rok realizacije projekta,
7. broj učenika koji pohađa školu na koji se odnosi projekat (samo za javne ustanove iz oblasti obrazovanja),
8. ukoliko postoji partnerstvo, naziv partnera – druga javna ustanova ili institucija iz javnog sektora sa dokazom o partnerstvu: sporazum, ugovor i slično) (samo za ostale javne ustanove) i

9. specifikacija troškova sa visinom sredstava koja se potražuju od Ministarstva (navesti detaljnu specifikaciju) sa predračunom od dobavljača.

5. Neće se uzeti u razmatranje prijave javnih ustanova iz oblasti obrazovanja i ostalih javnih ustanova:

1. koja su dobila finansijsku pomoć od ovog Ministarstva, ako nisu ispunili obavezu pravdanja dodijeljenih sredstava i
2. koji ne dostave dokumentaciju za dokazivanje ispunjavanja uslova kako je definisano tačkom 3. Javnog poziva i ne razrade projekat na propisanom obrascu kako je definisano tačkom 4. Javnog poziva.

6. Prijedlog raspodjele sredstava:

Prijedlog raspodjele sredstava javnim ustanovama iz oblasti obrazovanja utvrdit će se na osnovu slijedećih kriterija:

1. oblast zaštite okoline,
2. rok realizacije projekta i
3. broj učenika koji pohađa školu na koji se odnosi projekat.

Prijedlog raspodjele sredstava ostalim javnim ustanovama utvrdit će se na osnovu slijedećih kriterija:

1. oblast zaštite okoline,
2. rok realizacije projekta i
3. partnerski odnos sa drugom javnom ustanovom ili institucijom iz javnog sektora.

7. Broj projekata i iznos sredstava:

Javne ustanove imaju pravo na javni poziv prijaviti jedan projekat. Maksimalan iznos koji se javnoj ustanovi može odobriti za projekat je 30.000 KM.

8. Način prijave:

Projekti se predaju na adresu:

Tuzlanski kanton
Ministarstvo prostornog uređenja i zaštite okoline
Pisarnica Vlade TK (Slatina br. 2, Tuzla),
(sa naznakom: „ZA JAVNI POZIV – NE OTVARATI“ – naznačiti da li se radi o
udruženju ili javnoj ustanovi)

Rok za podnošenje prijave je 15 dana od dana objavljivanja javnog poziva u dnevnim novinama. Javni poziv za dodjelu sredstava zajedno sa propisanim obrascem iz tačke 4. javnog poziva će biti objavljen i na zvaničnoj web stranici Vlade Tuzlanskog kantona www.vladatk.kim.ba.

Neblagovremene i nepotpune prijave neće se uzeti u razmatranje.